



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 429. Usque Ad Annum 483

Fleury, Claude

August. Vind. [u.a.], 1759

VD18 90117816

§. 47. Ecclesiarum Consuetudines.

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

Sæculum V. istorum Historicorum, dum de Novatis scripsere, quibus favere videntur fides suspecta esse meretur.

A. C. 440

§. XLVII.

Ecclesiarum consuetudines.

Socr. V. c. 22. Sozom. VII. c. 19. **C**aute etiam supradictis Scriptoribus fides adhibenda, dum varias Ecclesiarum consuetudines referunt. Dicunt, jejunium quadragesimale sex septimanas ante Pascha in Illyrico, in Græcia, Alexandria, per totam Ægyptum, Africam, & Palestinam durasse. Constantinopoli, & in omnibus vicinis Provinciis usque in Phœnicen a septima septimana ante Pascha jejunabatur; verum aliqui ex his sex vel septem septimanis tribus tantum per intervalla jejunabant, & quinque tantum hebdomadæ diebus. Aliqui tres septimanas continuas, sicut Romæ, exceptis diebus Sabbati, & Dominica jejunabant. Hic Socrates halucinatus videtur, cum Romæ diebus Sabbati per totum annum fuerit jejunatum. Omnes hoc jejunii tempus Quadragesimam appellabant. Sed & in jejunandi modo magna diversitas reperiebatur. Aliqui omni animalium genere abstinebant. Aliqui piscibus vesciebantur. Alii cum piscibus aves comdebant. Alii abstinebant ab arborum fructibus, & ovis. Aliqui solum panem, aliqui ne quidem panem edebant. Alii non

non diutius quam usque ad Nonam jeju- Sæculum V.
nabant, & deinde nullo discrimine om- A.C. 440.
nia manducabant.

In aliis locis aliud erat conventuum
Ecclesiasticorum tempus, alia forma. Ubi-
que Sancta Mysteria diebus Sabbati, æque
ac Dominicis, si Romam, & Alexandriam
excipiamus, celebrabantur. In quibus-
dam Ægypti locis die Sabbati, sed vespere,
Sacra Mysteria offerebantur, & contra
consuetudinem omnium Ecclesiarum non
jejuni communicabant. Alexandriae Chri-
stiani diebus Mercurii, & Veneris conve-
niebant, tunc autem solum legebant, ex-
plicationem Scripturarum audiebant, &
orabant, sed Mysteria non celebrabantur.
Lectores, & Cantores constituebantur
Catechumeni, cum in omnibus aliis locis
non nisi Fideles ordinarentur. Cæsareæ
in Cappadocia, & in Insula Cypro, die-
bus Sabbati, & Dominicis Vespere, ac-
censis lucernis, id est, ad officium Vespere-
rarum, Presbyteri, & Episcopi semper
Scripturas exponebant. Alexandriae non
Presbyteri, sed solus Episcopus prædica-
bat, quod ab Arii tempore introductum
fuerat. Episcopus, cum Evangelium le-
geretur, non assurgebat, ut mos in aliis
ubique Ecclesiis ferebat; solus Archidia-
conus Evangelium prælegebat; in aliis
locis Diaconi, in multis Ecclesiis Presby-
teri, & Episcopus festis solemnibus, sicut
Con-

Sæculum V. Constantinopoli in die Paschatis, illi
 A.C. 440. recitabat. Romæ nec Episcopus, ne-
 quisquam alius in Ecclesia docebat. He-
 vid. Quesnel quidem Sozomenus dicit, quæ tamen
 in S. Leon. Diff. I. an. 440. latenus verosimilia sunt; imo pronus
 est credere, Sozomenum, Constantinopolim
 degentem, quid Romæ ageretur, nesci-
 visse. Antiochiæ Altare Occidentem
 non vero sicut in aliis Ecclesiis Orientem
 respiciebat. Romæ haud plures septem
 Diaconis erant, alibi determinatus non
 erat numerus. In Scythia, quamvis plures
 darentur Civitates, unus tamen omnes
 regebat Episcopus; contra aliis populis
 mos erat, sicut etiam in Arabia, & in Cy-
 pro pagis exiguis Episcopos dare. Deni-
 que Cæremoniarum, & Consuetudinum
 pro singulis locis infinita varietas fuit,
 qualibet Ecclesia veteres usus religiosissi-
 me observante.

§. XLVIII.

Persecutio in Africa.

*Victor. Vi-
 tens. l. I. c. 4.* Gensericus, capta Carthagine, Provin-
 cias Africæ in hunc modum divisit;
 Byzacenam, Abaritanam, Getuliam, &
 unam Numidiæ partem sibi servavit, in
 Zeugitanam, & Proconsularem milites
 immisit. Alias Provincias adhucdum Va-
 lentinianus tuebatur, sed ingens calami-
 tas incolas premebat. Præcepit Gense-
 ricus, ut Vandali Episcopos, rebus omni-
 bus